

Skuvlabiraslávdegoddi (SBL)

Skuvlabiraslávdegoddi ulbmil lea sihkkarastit ahte skuvla vuogádatlaččat oččoda buori skuvlabirrasa. SBL galgá leat skuvlla ráđđeaddi orgána dakkár áššiin mat dasa gusket. Oahppit, váhneamat, skuvla, skuvlla bargit ja okta gieldda ovddasteaddji galget leat ovddastuvvon lávdegottis. Váhneamat ja oahppit galget ovttas leat SBL eanetlogus.

Lea skuvlaeaiggáda ja rektora ovddasvástádus ahte ráđđeorgánat ášahuvvojit ja doibmet oahpahuslága mearrádusaid mielde.

Gieldda váhnenlávdegoddi (GVL)

Ovttaskas skuvlla Váhnenráđi bargolávdegoddi (VBL) ja riikkadási VVL gaskkas ii leat mihkkege lágas nannejuvvon váhnenorgánaid. Sullii 180 (oktiibuot sullii 430) riikka gielddain leat ásahan gielddadási váhnenlávdegoddi eaktodáhtolaš vuoduin. GVL ulbmil lea bálddalastit gieldda skuvllaid dárbbuid/sávaldagaid, bargat skuvlejumiin ja vásáhusaid lonohallamiin. GVL:s berre leat viiddis ovddasteapmi, ja dat galgá leat politihkkáriid ja skuvlahálddahusa lunddolaš ovttasbargi.

Geainna sáhtát don guhte leat váhnen/ fuolaheaddji váldit oktavuoda vai oaččut veahki ja doarjaga skuvlaáššiin?

- Joavkku/luohká gulahallanvahnemiiguin
- Gulahallanoahpaheddjiin
- VBL:in/ovttasbargolávdegottiin/oaibmastivrrain/SBL:in
- Skuvlla jođiheddjiiguin
- Gieldda váhnenlávdegottiin(GVL:in)
- VVL:in
- Gielddain
- Fylkkamánniin oahpahuossodaga bokte

Háliidat go eambo diehtit maid gulahallanváhnen bargá, dahje maid mearkaša leat VBL:s mielde dahje manne lea buorre ásaht GVL? Dieđát go movt galggat váldit? Háliidat go eambo diehtit movt don sáhtát mánat doarjut skuvlabarggus? Iskka www.fug.no, doppe gávnnat eambo dieđuid.





Go min mánát álget skuvlii, de leat sii sorjjavaččat das ahte mii váhnemat ovttas oahpaheddjiin háhkat oadjebasvuoda, oahppama ja loaktima skuvllas. Buori rouvttu-skuvlla-ovttasbargguin sáhttit mii váhnemat ja skuvla ovttas hábmet mánáide buori skuvlla. Skuvlla ráđdeorgánaid bokte sáhtát don guhte leat váhnen váikkuhit iežat máná skuvlaárgabeaivvi.

Sii geat oččodit buori ruovttu-skuvlla-ovttasbarggu:

Vuodđooahpahusa váhnenlávdegoddi (VVL) lea našovnnalaš váhnenlávdegoddi váhneiid várás geain leat skuvlamánát.

VVL beroštumit:

- Ruovttu-skuvlla-ovttasbargu
- Fuolahit váhneiid beroštumiid skuvlaoktavuođain
- Mitalit movt ruovttu-skuvlla-ovttasbargu doaibmá
- Mitalit movt váhnemat sáhttet doarjut mánáideaset
- Mearridit áššelisttu ja doarjut váhneiid guovddáš fáttáin dego sisbiras, givssideapmi, váhnenčoahkkimat, skuvla-barggut, j.ea.

Maid bargá VVL:

- Rávve ja bagada váhneiid geain leat mánát skuvllas
- Lea gulahallanváhneiid, VBL: id ja gielddaid váhnenlávdegottiid bálvalan- ja diehtoorgána
- Almmustahtá diehtočállošiid váhneiid ja skuvla-bargiide (čállošiid sáhtá viežžat dihtorii neahttasiiddus www.fug.no)
- Lágida doaimmaid váhneiid geain leat mánát skuvllas
- Rávve oahpahuseiseválddiid ruovttu ja skuvlla ovttasbarggu hárrái.
- Juohká áigeguovdilis dieđuid neahttasiiddus www.fug.no

Gulahallanváhneimat

Gulahallanváhneimat leat joavkku/luohká váhneiid ja Váhnenráđi bargolávdegotti (VBL) gulahallanreaidut, ja sii čatnet váhneiid ja skuvlla oktii.

Váhnenráđdi – váhnenráđi bargolávdegoddi (VBL)

Buot váhneimat geain leat mánát skuvllas, leat miellahttun skuvlla váhnenrádis. Váhnenráđdi vállje bargolávdegotti (VBL) mii ovddida váhneiid oainnuid skuvlii. VBL galgá earet eará sihkkarastit ahte váhneimat besset duodas váikkuhit ja guoddit mielovddasvástádusa das ahte ohppiid oahppobiras lea oadjebas ja buorre.

Ovttasbargolávdegoddi (OBL)

Ovttasbargolávdegoddi (OBL) lea skuvlla bajemus ráđdeadi orgána ja das leat buot skuvlla osolaččat ovddastuvvon: oahppit, váhneimat, oahpahusbargit, eará bargit ja guokte gieldda ovddasteaddji, main nubbi galgá leat rektor. OBL:s lea vuoigatvuohta cealkit oainnus buot áššiin mat gusket skuvlii. (OBL sadjai sáhtá nammadit doaibmastivrra).

Doaibmastivra (DS)

Doaibmastivra lea ovttaskas skuvlla stivra, ja dan sáhtá buohtastahttit fitnodaga stivrrain. Doaibmastivrraid ulbmil lea ahte buot skuvlla osolaččat galget leat ovddastuvvon mearrideaddji orgánas. (Doaibmastivra sáhtá leat OBL sajis).